

Chuculati "Aruba" ariba mercado Europeo

ORANJESTAD(AAN) --

Señor Michel Struyen, procedente di Belgica, kende ta traha pa e compania Wagons-Lits Tours, a duna di conoce na DIARIO cu e ta representa e empresa Cote D'Or cu tin varios compania cu ta fabrica chuculati na Belgica.

Cote D'Or a bin cu e idea di produci un chuculati cu ta hiba e nomber Aruba. E chuculati aki ta bin den tres diferente sabor esta "hazelnuten + gepofte rijst", "rozijnen, hazelnuten + gepofte rijst" y "kokos + gepofte rijst".

Señor Struyen a enfatisa cu tin un campaña enorme di promocion ta tumando lugar caminda nomber di Aruba ta worde promovi. Tin diferente spot na radio y television, corantnan y revistanan cu ta promove e nomber di Aruba na e paisnan Europeo.

Actualmente Cote D'Or a introduci un campaña caminda cu compra di cada tres chuculati Aruba e persona ta participa na un sorteo cu ta encera un pasashi ida y vuelo pa Aruba.

Notable ta cu esta ariba e busnan na e paisnan Europeo,

sticketan grandi di chuculati Aruba ta core rond.

DIARIO a presencia un video di promocion di e chuculati Aruba cu lo worde usa pa atrae mas turista pa Aruba.

Michel Struyen a enfatisa cu e intencion ta pa abordo di KLM



reparti chuculati Aruba pa tur e pasaheronan.

Sin duda e chuculati Aruba lo bay causa furor na Europa.